

Na osnovu člana 72. Zakona o javnim nabavkama Bosne i Hercegovine („Službeni glasnik BiH“, br. 39/14, 59/22 i 50/24), a nakon provedenog direktnog sporazuma, zaključen je:

U G O V O R

za pružanje usluge čišćenja poslovnih prostorija

Između:

- 1. Direkcije za evropske integracije, Sarajevo, Đoke Mazalića broj 5, koju zastupa direktorica Elvira Habota (u daljem tekstu: Ugovorni organ)**
i
- 2. Servis uslužnih djelatnosti d.o.o. Sarajevo, ulica Branilaca Sarajeva broj 20, koju zastupa direktorica Selma Jamaković, (u daljem tekstu: Pružalac usluga)**

Član 1.

Ovim Ugovorom se regulišu međusobna prava i obaveze ugovornih strana, vezano za pružanje usluge čišćenja poslovnih prostorija Direkcije za evropske integracije u prizemlju zgrade, u ulici Đoke Mazalića broj 5, Sarajevo, u skladu sa Ponudom Pružaoca usluga broj: 4-1/2026 od 20.01.2026. godine, koja čini sastavni dio ovog Ugovora.

Član 2.

(1) Pružanje usluga, koje su predmet ovog Ugovora, obuhvata usluge čišćenja i održavanje higijene poslovnih prostorija na adresi Đoke Mazalića broj 5 u prizemlju zgrade i to kancelarija u prizemlju 005, 006, 007, 008, 009 i 010, oba toaleta i hodnika, te terasu, ukupne površine 143,05m² i to prema sljedećoj dinamici i obimu:

- a) Ponedjeljkom u periodu od 16.00h - pražnjenje korpi za otpatke, čišćenje i dezinfekcija muškog i ženskog toaleta, brisanje i usisavanje hodnika;
- b) Petkom u periodu nakon 16:00h - čišćenje podova u kancelarijama i hodnicima koje podrazumijeva: usisavanje hodnika, brisanje laminata i dijelova hodnika koji nisu prekriveni etisonom, brisanje stolova i drugih radnih površina, pražnjenje korpi za otpatke, te čišćenje oba toaleta;
- c) Prve subote u mjesecu - detaljnije čišćenje prozora, vrata, podova i mobilijara, muškog i ženskog toaleta te čišćenje dijela vanjskog prostora (metalna terasa okvirne površine 4m² s pripadajućim stepeništem (10 metalnih stepenika) i stubovima (2 stuba);
- d) Dodatno pražnjenje korpi za otpatke sredinom radne sedmice (srijeda) ili prema raspoloživosti/prisustvu osoblja u zgradi.

(2) Za sve usluge navedene u prethodnom stavu ovog člana, Pružalac usluga je obavezan da obezbijedi sredstva za čišćenje i kese za pražnjenje korpi.

Član 3.

(1) Vrijednost ugovora iznosi: 4.740,00 KM bez PDV-a.

(2) Pružalac usluga se obavezuje da će, Ugovornom organu, za izvršene usluge ispostavljati mjesečnu fakturu u iznosu od 395,00 KM bez PDV-a, odnosno 462,15 KM sa PDV-om.

(3) Pružalac usluga se obavezuje na nepromjenjivost ponuđene cijene tokom cijelog ugovorenog perioda.

Član 4.

Ovaj Ugovor zaključuje se na određeno vrijeme u trajanju od 12 (dvanaest) mjeseci, počev od dana 01.02.2026. godine.

Član 5.

Mjesečnu fakturu, čija je vrijednost ugovorena u članu 3. ovog Ugovora, Pružalac usluga će ispostavljati do 5-og u mjesecu za prethodni mjesec, a Ugovorni organ se obavezuje istu platiti u roku od 15 dana od dana prijema fakture.

Član 6.

Finansijska sredstva za realizaciju ovog Ugovora Ugovorni organ obezbjeđuje iz sredstava projekata P 310, P 350, P 410 i P 490.

Član 7.

Pružalac usluga se obavezuje, da po zaključenju Ugovora, dostavi Ugovornom organu spisak lica koja su zadužena za čišćenje po ovom Ugovoru.

Član 8.

- (1) Pružalac usluga se obavezuje da ugovorene poslove obavlja blagovremeno, kvalitetno i odgovorno, u skladu sa dinamikom i obimom koji je utvrđen u članu 2. ovog Ugovora.
- (2) Svako neodgovorno ponašanje Pružaoca usluga tokom izvršavanja obaveza iz ovog Ugovora, uslijed kojeg nastupi šteta za Ugovorni organ, Pružalac usluga je dužan istu nadoknaditi u vrijednosti i roku koji zajednički utvrde ovlašteni predstavnici ugovornih strana.

Član 9.

- (1) Ovaj Ugovor se može raskinuti na osnovu sporazuma ugovornih strana.
- (2) Ovaj Ugovor može se raskinuti i jednostrano i to iz sljedećih razloga:
 - a) u slučaju da druga ugovorna strana ne ispunjava obaveze iz ugovora u utvrđenim rokovima i na utvrđeni način;
 - b) ako poslije zaključenja ugovora nastupe okolnosti koje otežavaju ispunjenje obaveza jedne od ugovornih strana;
 - c) drugih razloga u skladu sa važećim zakonima.
- (3) Ugovorna strana koja pokreće postupak za raskid ugovora iz razloga navedenih u stavu (2) ovog člana Ugovora, obavezna je, prije podnošenja zahtjeva za raskid ugovora, dostaviti pisanu opomenu drugoj ugovornoj strani o neizvršavanju obaveza, sa dodatnim rokom za ispunjenje tih obaveza.
- (4) Dodatni rok iz prethodnog stava ovog člana Ugovora ne može biti duži od 15 (petnaest) dana. U slučaju da ugovorna strana koja ne ispunjava obaveze iz Ugovora u utvrđenim rokovima i na utvrđeni način, i ni u dodatno ostavljenom roku ne ispunji svoje obaveze iz Ugovora, ovaj Ugovor će se smatrati raskinutim.

Član 10.

- (1) Ugovorne strane su saglasne da sve eventualne sporove rješavaju sporazumno, a ukoliko to nije moguće, ugovara se nadležnost Suda Bosne i Hercegovine.
- (2) Za pitanja koja se pojave tokom realizacije, a nisu regulisana ovim Ugovorom, primjenjuju se odredbe Zakona o obligacionim odnosima.

Član 11.

Ugovorne strane izjavljuju da su ovaj Ugovor zaključile svjesno, da nisu pod prijetnjom, prinudom, prevarom ili u zabludi, obavezujući se da će ovaj Ugovor u svemu poštovati.

Član 12.

Ovaj Ugovor je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva) primjerka za svoje potrebe.

Pružalac usluga
Direktorica



Jurković Seta

Broj: 16/2026

Datum, 28.01.2026.



Ugovorni organ
Direktorica

Broj:
Datum:

05-JM-16-4-IB-7/26
30.01.2026. godine

**DIREKCIJA ZA EVROPSKE INTEGRACIJE
SARAJEVO**

JIB: 4200781540009

71000 Sarajevo
Đoke Mazalića 5

Ponuda br. 4-1/2026

Sarajevo, 20.1.2026

Datum važenja: 31.1.2026

Osnov : Ponuda za usluge čišćenja poslovnog prostora

RBr	Šifra	Naziv	Količina	JMj	Cijena bez PDV KM	Iznos bez PDV KM	PDV
1	017.8	Održavanje higijene poslovnih prostorija na adresi Đoke Mazalića 5 u prizemlju zgrade (kancelarije 005, 006, 007, 008, 009, 010, muški i ženski toalet, hodnik i terasa), ukupne površine 143,05m2, a kako slijedi: - Ponedjeljkom u periodu nakon 16:00h - praznjenje korpi za otpatke, čišćenje i dezinfekcija muškog i ženskog toaleta, brisanje i usisavanje hodnika; - Petkom u periodu nakon 16:00h - čišćenje podova u kancelarijama i hodnicima koje podrazumijeva: usisavanje hodnika, brisanje laminata i dijelova hodnika koji nisu prekriveni etisonom, brisanje stolova i drugih radnih površina, praznjenje korpi za otpatke, te čišćenje oba toaleta; - Prve subote u mjesecu - detaljnije čišćenje prozora, vrata, podova i mobilijara, muškog i ženskog toaleta te čišćenje dijela vanjskog prostora (metalna terasa okvirne površine 4m2 s pripadajućim stepeništem (10 metalnih stepenika) i stubovima (2 stuba); - Dodatno praznjenje korpi za otpatke sredinom radne sedmice (srijeda) ili prema raspoloživosti/prisustvu osoblja u zgradi. U cijenu su uključena sredstva za održavanje higijene i kese za praznjenje korpi.	1	mjesec	395,00	395,00	17%
UKUPNO BEZ PDV						395,00	
Poreska osnovica:						395,00	PDV 17%
							67,15
UKUPNO							462,15

Ponuda na mjesečnom nivou za usluge održavanja higijene poslovnog prostora Direkcije za evropske integracije Sarajevo na adresi Đoke Mazalića 5 u Sarajevu, za period od 01.02.2026. do 31.01.2027. godine.

Odgovorno lice
Sarajevo
Janković Ljiljana